

ЁШЛАРНИ КОМИЛ ИНСОН БЎЛИБ ВОЯГА ЕТИШИДА КАМАРБАСТАМИЗ



Мархабо Ахмедова,
Андижон давлат
университети
Ахборот-ресурс
маркази
директор
ўринбосари

Ҳозирги кунда
марказимизда
17600 номдаги
адабиётларнинг
тўлиқ электрон
шакли мавжуд
бўлиб, улар
АРМнинг
электрон
тизими орқали
тўлдириб
борилмоқда

The main activity of the IRC ASU is aimed at training and developing the young generation. The institution was opened in 1931 at the branch of the Fergana Pedagogical Institute. In 2015, a new institution IRG ASU with all modern technological equipment was put into operation and today the total library fund is more than 500 thousand units of various literatures. In addition, a computer class has been created for students and teaching staff where electronic resources can be used, including foreign electronic resources. The main electronic bases are EBSCO and Elsevier, which make it possible to use advanced scientific and dissertation works.

«**Б** уғунги кунда мамлакатимизда халқимиз, айниқса, ёш авлоднинг маънавий-интеллектуал салоҳияти, онгу тафаккури ва дунёқарашини юксалтиришда, халқига муҳаббат ва садоқат туйғуси билан яшайдиган баркамол шахсни тарбиялашда беқиёс аҳамиятга эга бўлган китобхонлик маданиятини ёшлар онгига сингдиришга, уларнинг маънавиятини янада оширишга алоҳида эътибор қаратилмоқда.

Заҳириддин Муҳаммад Бобур номидаги Андижон давлат университетига 1931 йилда асос солинган бўлиб, бу олийгоҳ Фарғона педагогика институтининг Андижон филиали сифатида фаолият кўрсата бошлаган. Институт тасарруфида 1500 китоб фонди билан кутубхона ҳам ташкил этилган.

2015 йилда қуриб битказилган ахборот-ресурс марказининг янги биносида 500 мингга яқин адабиётларни жамлаган, 4 та электрон ўқув зали, 6 та босма нашр билан таъминланган ўқув зали, фойдаланувчиларга компьютер хизмати кўрсатиш хоналари ва шинам маънавият хонаси мавжуд. Ахборот-ресурс марказида 5 та бўлим яъни, илмий-услубий ва ахборот-маълумот (даврий нашрлар) бўлими, ахборот-кутубхона ресурсларини бутлаш, каталоглаштириш ва тизимлаштириш бўлими, ахборот-кутубхона ресурслари билан хизмат кўрсатиш бўлими, электрон ахборот-ресурслари бўлими ҳамда хорижий ахборот-кутубхона ресурслари билан ишлаш бўлимлари ташкил этилган. АРМ китоб фонди таркибида ноёб адабиётларимиз мавжуд,

жамоамиз эса уларни кўз қорачигидек асраб, реставрация ва консервация ишларини амалга оширмоқдалар ва келгуси авлодларга бешикаст етказиб бериш учун камарбасталар. Ахборот-ресурс марказида 82 та компьютер талабалар хизматида. Уларга мавжуд асосий таянч дарсликлар ва уларнинг электрон шакли жойлаштирилган.

Ҳозирги кунда марказимизда 17600 номдаги адабиётларнинг тўлиқ электрон шакли мавжуд бўлиб, улар АРМнинг электрон тизими орқали тўлдириб борилмоқда. Ахборот-ресурс марказида мавжуд 4 та электрон ўқув зали интернет тармоғи билан таъминланган ва талабалар эркин фойдаланишига имкон яратилган.

АРМнинг kutubxona.adu.uz «Электрон кутубхона» саҳифаси яратилган ва бу саҳифага 200 га яқин тўлиқ матнли электрон ресурслар жойлаштирилган.

Ҳозирда ҳам электрон ресурслар жойлаштириш ишлари давом этмоқда. Жаҳон илмий-таълимий маълумотлар базасига ахборот-ресурс маркази уланганлиги ҳамда жамоавий онлайн кириш ва улардан самарали фойдаланиш бўйича республикамиздаги йирик ахборот-кутубхона ва илмий-таълимий муассасаларни EBSCO ҳамда Elsevier компаниялари илмий-таълимий маълумотлар базаларига уланиш, илмий тадқиқот ишлари, диссертациялар электрон маълумотлар базасига жамоавий обуна бўлиш ишлари амалга оширилди. Ҳозирги кунда ундан фойдаланиш даражаси 88,4 фоиз ни ташкил қилади.

АРМ эрталаб соат 8:00 дан кечки соат 20:00 гача талабалар хизматида.

Университетнинг 5 та талабалар турар жойи мавжуд бўлиб, у ерда ҳам кечки кутубхоналар ташкил қилинган. Шунингдек, хорижий тиллар факультети талабаларига алоҳида ахборот-ресурс марказининг 57500 нусха китоб фондига эга катта филиали ташкил қилинган.

Ҳар йили республикаимиз даврий нашрларига обуна ташкил қилиш ишлари самарали олиб борилади. Жорий йилда 52 номдаги журналларга обуна ташкил қилинган бўлиб, булардан 32 номдагиси университет таълим йўналишларига оид журналлар ҳисобланади. Мавжуд илмий журналларнинг электрон версиялари яратилиш ишлари жадаллик билан олиб борилмоқда.

Ахборот-ресурс марказида шу йилнинг январь ҳолатига кўра 62900 номдаги 472000 га яқин босма нашрлар, 100 дан ортиқ электрон нашрлар, 17560 номдаги адабиётларнинг электрон нусхаси мавжуд. Ўтган йилда 376 номдаги 4689 нусха ҳар хил турдаги адабиётлар қабул қилинди. Янги қабул қилинган адабиётларнинг деярли 85 фоизини лотин алифбосидаги адабиётлар ташкил қилади.

Электрон каталогни яратишда «АРМАТ» дастурий таъминотидан фойдаланилади. Электрон библиографик ёзувларнинг жами шу кунгача 42450 номга етди. Ягона китобхонлик гувоҳномаси асосида аъзо бўлган фойдаланувчилар 16700 нафарни ташкил қилади, бунга аҳолининг кенг қатлами ҳам қиради. Ўтган йилда 417 000 га яқин китобхон қатновига 715 750 нусха китоб ва бошқа манбалар берилган. Мурожаатларни таҳлил қилганимизда, талабалар ва кенг китобхонларнинг бадиий адабиётларга бўлган эҳтиёжи ошиб бормоқда.

Таълим муассасамизда қирғиз тили ва адабиёти йўналишида таҳсил олаётган талабаларни инobatга олиб, бадиий адабиётларимиз орасида Чингиз Айтматовнинг 8



жилдик тўла асарлар тўпламининг қирғиз тилидаги нашри ҳам бор. Бу эса, қирғиз тили ва адабиёти йўналиши талабаларини АРМга таширфини янада оширади.

Университет талабалари орасида АРМга келган янги адабиётлар тақдимотлари ўтказиб борилади. Шунингдек, тақдимот ҳақида университетнинг веб сайтыга жойлаштирилади ва рўйхатлари барча кафедраларга тарқатилади. Университетнинг нашри ҳисобланган «Andijon yoshlari» газетасининг «Танишинг – янги адабиётлар» рукни остида янги адабиётларнинг қисқача мазмуни билан мунтазам таниш тириб борилади. Талабалар ўртасида энг фаол китобхон аниқланиб, улар АРМнинг эсдалик совғалари билан тақдирланиб келинади.

Фойдаланувчилар ўзларига керакли маълумотлар, яъни илмий ишлари учун зарур бўлган адабиётларни бошқа кутубхоналардан топиш учун кутубхоналараро абонементдан фойдаланиш, излаб топиш ишларида мутахассис библиографлар хизматидан фойдаланиб, келишади. Бизнинг асосий вазифамиз эса, бевосита таълим жараёнига боғлиқлиги сабабли ахборот ресурсларига бўлган талаб ва эҳтиёжини тўлақонли қондириш, яратилётган шарт-шароитларни мукамал даражада амалга оширишдан иборатдир.

Ахборот-ресурс марказида шу йилнинг январь ҳолатига кўра 62900 номдаги 472000 га яқин босма нашрлар, 100 дан ортиқ электрон нашрлар, 17560 номдаги адабиётларнинг электрон нусхаси мавжуд

Мархабо Ахмедова, заместитель директора информационно-ресурсного центра Андиганского государственного университета (ИРЦ АГУ).

Основная деятельность ИРЦ АГУ направлена на обучение и развитие молодого поколения. Учебное заведение было открыто в 1931 году при филиале Ферганского педагогического института. В 2015 году было введено в эксплуатацию новое здание ИРЦ АГУ со всем современным технологическим оснащением и на сегодняшний день общий фонд библиотеки составляет более 500 тысяч единиц различной литературы. Кроме этого для студентов и преподавательского состава создан компьютерный класс, где можно пользоваться электронными ресурсами, в том числе зарубежными электронными базами. Основные электронные базы EBSCO и Elsevier, которые дают возможность пользоваться передовыми научными и диссертационными работами. ■